

自小孤雲身外無繫繫披一片搭一片逍遙
快活計破葫瓢腰間掛別無行李是人笑我
沒操持儘教傍人點指 古廟祠堂且共泥
神作戲破砂盆澄瓦罐折匙無筋破紙被糊
包定彎跽打睡只等待行滿功成朝玉帝方
表男兒有志

望蓮葉

丘長春

聽咨告小事要君知萬事苦求終害已得便
宜處落便宜伶俐不如癡 真修煉心外莫
行持只具眼前為見在自然煩惱不相隨步
步入無為

四塊玉

光景如梭勸早早回頭尋活計莫被利役名
牽酒色昏迷是非人我空惹閑氣鉛枯汞竭
悠藏休悔護爾傷悲便做從今下手理會寧
早莫稽遲 呆癡自落便宜縱養家千口成
何濟枉使身心勞碌晝夜無眠老却朱顏教
君憔悴何須自苦怎不回首自家推算無常
有誰能替

鳴鶴餘音卷之一

鳴鶴餘音卷之二

隨二

仙遊山道士彭 致中 集

蘇武慢

馮尊師

飯了從容消閑策杖野望有何憑仗帆歸遠
浦鷺立汀洲千樹好花散放芳草池塘錦江
樓閣隱隱雲埋青障向東郊極目天涯不見
故人惆悵 歸去也翠麓崎嶇林巒掩映消
遣晚來情況幽禽巧語弱柳垂金綠影小橋
清響揮掃龍蛇頌吟風先陶謝丹青吟唱這
雲山好景物外烟霞幾人能訪

其二

送照迴光終馬活計何處可為依託凋零鄭
圃竹塢松溪林下勝遊行樂霞友雪朋水色
山光幽隱烟蘿巖壑更堂堂氣舉摩天一
浩然寥廓 堪愛處蝶戲花梢苔生石逕風
細日高簾慢清虛氣量咀嚙乾坤高邁市朝
歡約跡葛寬裁瘦玉橫拖笑傲東籬吟酌把
真情欲寫奈何塵世故人蕭索

其三

識破塵寰凡籠跳出飄蕩幸無拘束萍蹤自

在雅操孤高運若野雲塵鹿過坎乘流混俗
和光知止有何榮辱恣蹈陷海上人間不管
韶華催促 從此後筆硯生塵蠅蝎絕念安
分翠微雲屋般般放下事事都休靜對小軒
梅竹一味踈慵萬古海風便是真常清福任
群情晝夜奔波世路競爭變觸

其四

夢斷槐宮倚天長彌勘破物情今古擔簦映
雪射虎誅龍曾把少年身悞金谷繁華漢苑
春宮空有落花飛絮嘆浮生終日忙忙誰肯
死前回顧 爭似我玉塵清談金微雅弄高
卧洞天門戶逍遙吹臥肆任情懷閑伴蓼汀
鷗鷺收拾生涯紫嫩黃柑江上一簑烟雨醉
歸來依舊蘆花深處月明幽浦

其五

試問禪關參求無數往往到頭虛老磨磚作
鏡積雪為梁迷了幾多年少毛吞大海不納
須彌金色頭陀微笑時超十地三乘疑滯
四生六道 誰聽得絕想巖前無陰樹下杜
宇一聲春曉曹溪路險驚嶺雲添此處故人

音香千丈冰崖五葉蓮開古殿簾垂香裊
萬籟叢裏老妻遊子夢魂顛倒

其六

出世登真須憑剛志決要煩開靈慧消塵止
念絕愛忘憂恬淡自然知味雷震一聲火發
三田半夜烏飛千里透簾幃鉛鼎溫溫恣飲
玉漿香膩 堪下手策鳳攀鸞烹金間木遊
賞洞房佳瑞傾光吐秀塞海街山真氣遍充
天地乘風風雲摘騎日月不比尋常兒戲把
玄珠收取大羅歸去聖賢同域

其七

大道幽深如何消息說破鬼神驚駭扶藏字
宙剖判玄元真樂世間無賽靈鷲峯前寶珠
拈出明顯五般光彩照乾坤上下群生知者
壽同山海 最至極翠靄輕分瓊花亂墜空
裏結成華蓋金身玉骨月披星冠符合水晶
天籟清淨門庭聖賢風範千古儼然常在願
學人達此希夷微理共遊方外

其八

避世安時同處處順淵默至人誰識鶴居鶯

食鮮運離龜深密養廉寧柱石定有宜出入
無方順逆神機難測樂算歌林泉未肯
折腰形役 當此際樂凡松軒居歌古彈渴
飲玉壺春色一懷皓月兩袖清風真箇箇中
消息方外生涯靜中意味不許等閑攀摘待
迷雲吹散玉繩高深自知端的

其九

堪嘆群情迷津宛轉漂蕩甚時休歇爭頭競
角抵死護生一向德家食業利鎖名韉慾浪
恩山酒市花衢顛度騎驢嘶似蟻循環不念
鬢華如雪 誰肯向大朴林中無為鄉裏閑
伴老聃莊列珠獲象罔夢斷華香高枕洞天
日月三界廓然八表冲虛湛湛靈光道徹這
道遙劫外妙哉真樂世間難說

其十

過隙年光如毛塵事暗把物情移換浮生擾
擾皆覺隨塵酒色利名繁絆憑君看取歷代
英雄楚越周秦唐漢遺留壞塚頽碑千古
是非不斷 聞早悟碧玉壺中白雲堆裏別
有翠霞宮殿三天雅會五彩光攢朝赴紫微

瓊宴闌苑瑤池絳闕請都信任逍遙遊說笑
愚頑苦海取骨無休往來流轉

十一

悟入曾溪鶴衝霄漢雲水道人活計臨川舉
拈對景擲釣勝騰錦鱗紅鯉風送漁舟透入
雙峯影裏駭然明窳見烟霞極目金丹一粒
貴珍難比 玄妙處大一合真玄元成象升
降箇中無滯堅持九載志煉三年精進五華
瓊液都在靈源洞徹九光真境了然超彼這
長生久視天機源與上仙真理

十二

創建靈壇初修丹竈保養太和真命風生虎
嘯火發龍騰變理要依時令金木交并斗斡
天關旋遠滌除心徑規玄珠一粒疏霞閃爍
送歸金鼎 壺內景造化希夷玄機要妙點
製魄仙魂聖無中體用有理明真悟得本來
真性還返無窮漸入青陽仙境照虛盈靜這
一輪明月百年蒙閉豁然開瑩

十三

運氣吞霞乘風飲露須列五行為則南山赤

鳳北海鳥龜堅志用心求得鉛汞相迎造化
 爐中烹就一丸端的這陰陽神用虛無長養
 浩然真息 玄關悟到此方知首聾耳目得
 遇至人開別用符妙道默運玄機瓊液轉流
 增益雲水清閣太虛空寂家廓本無蹤跡這
 金丹一訣平生疑難渙然冰釋

十四

日月高奔金液滿泛七返九還延符真精應
 物大道潛身恍惚妙通玄路直待陽生造化
 神丹龍虎紫霄天賦這瑤函寶篆天機須仗
 至人開悟 長生道固蒂深根仙家活計烹
 鍊鉛汞為粉爐輝五彩鼎耀三光識取本來
 真祖明月樓前觀箇金蟬飛舞翠峯明宇把
 凌雲一志精誠修進上仙科舉

十五

元氣充飽麻衣遮體萬事轉頭何濟黃芽白
 雪黑水紅雲軒轅注傳名世深謝明師說破
 希夷妙理本來精粹把仙胎養就雲瓊繚繞
 萬神成備 持造化箇箇圓成人人具足一
 氣返還寶質週遊八境遍賞三山不離目前

親詣堪笑迷途豈識陰陽宗祖任教邪魁煉
 金丹悉是乾坤英秀關乎豪氣

十六

絕粒停廚食霞飲露返復自然相製鉛生五
 彩采發三光方顯太丹苗商開啓朱扉躍出

金鳥飛入玉蟾宮裏把陰陽交會神爐烹就
 浩然真體 虛無內紫氣盤旋玄珠閃爍射
 透混成宗磨忘機修道隱跡求仙常默心無
 洞弊貪戀榮華悞了赫赤神丹恣情拋棄有
 人人識道專精謹守決然超彼

十七

洞曉玄機深明丹竈賴與宗祖符契龍耕虎
 種玉液金芝好箇道家活計丹鼎容光觀箇
 嬰兒旋遠驚天駭地馭紫雲翠鳳相迎真的
 上仙苗裔 三陽首玉藥天香琪花寶樹掩

映瑞雲佳履天光激灑桂影扶疎化大鵬
 相繼休謂狂言性裏分明消息知人才藝在
 英豪決烈精神果敢性情高志

十八

志氣凌雲精神英秀得脫追求真理虛空爐

火自己天真遭遇便能修製師不高明咫尺
 如隔千里要分真偽這黃芽赤髓時人皆有
 奈何愚昧 真烈士幹運機關擊問混沌奪
 得夜明如意輝輝寶蓋赫赫靈光影隱大淵
 無滯休縱心猿監了金鼎還丹設勞虛費起
 三陽真火時時烹煉九還逃避

十九

冒雪衝霜迎風沐雨得遇至人開悟通微入
 妙起死廻生可謂煉丹規矩高坎相交返復
 陰陽須藉木龍金虎把乾坤鼎器五行羅列
 真居真土 玄妙處種就黃芽燒成丹藥此
 理向誰分訴玻璃鳳孕碧玉龍珠飛出瑞雲
 深處說得三尸奔走六賊進去顯仙胎飛舞
 五雲繚繞樂聲齊舉

二十

靜室修心雲山養道幾遇至人傳訣爐橫八
 卦鼎備三才修建道家基業陰與陽并輪轉
 樞機旋走龍虎蟠結這天機逆順學流不曉
 豈能分別 希夷理瑞氣騰騰祥雲萬萬紫
 霧豈籠金闕千神成備萬化全成方應大丹

熱也琪樹瑤花遍滿虛空無真景翠紅相列
觀心澄曉月清風滿日洞天朗徹

蘇武慢

虞伯生和

自笑微生凡情不斷輕辜舊機垂釣走馬長
安聽鶯上苑空負洛陽年少玉殿傳宣金鑾
陪宴屢草九重丹詔是何年夢斷槐根依舊
一莖江表 天賜我萬疊雲屏五湖煙浪無
限野狹沙鳥平明紫閣日晏玄洲晞髮太霞
林杪蒼龍騰海白鶴銜膏顛倒一時俱了望
清都獨步高秋風露洞天初曉

其二

掃畫風雲綽開塵土落得半丘藏拙青松為
蓋白石為床一切物情休歇幾度蓬萊布祀
長劍閣對海波澄澈是誰家酒熟仙瓢邀我
共看明月 歸去也玉宇寥寥銀河耿耿鐵
笛一聲山裂三花高擁九岳彌羅縹緲太清
瑤闕手把芙蓉凌虛飛步今夜幾人朝謁便
翻身北斗為杓遍散紫旛香雪

其三

山月來時海風不動平地玉樓瓊宇桂子飄

香露華如水自按洞簫如舞香冥冥冷泠
歷歷青鳥解傳芳語太微中鸞鶴相求盡是
舊時真侶 君聽取列豹重關鼓雷千吏天
界更多官府石女簪花木人勸酒為我此間
聊住高唱微吟揮毫萬丈塵世等閑今古看
春山一色青青何意斷雲殘雨

其四

皓月清霜釣舟如葉陶陵小溪澄碧銀漢無
聲玉虹垂野斗柄正橫天北半幅鳥紗數莖
華髮一緇野鳥飛鳥問回仙城南老樹能見
幾何今昔 西華頂十丈高花九天秋露結
就翠房瑤實脫屣非難凌虛何遠三咽雪融
冰液辟穀神方食霞真訣一去更無消息笑
人間長住虛空誰似一輪紅日

其五

放棹滄浪落霞殘照聊倚岸迴山轉乘鴈雙
鳧斷蘆漂葦身在畫圖秋晚雨送離聲風搖
燭影深夜尚披吟卷算離情何必天涯咫尺
路遙人遠 空自笑落下書生襄陽者舊夢
裏幾時曾見老夫浮丘賦詩明月千仞碧天

長劍雪霽瓊樓春生珠席容我故山高宴待
雞鳴日出羅浮飛度海波清淺

其六

對酒當歌無愁可解是箇道人標格好風過
耳皓月盈懷清淨水聲山色世上千年山中
七日隨處慣曾為客盡虛空北斗南辰此事
有誰消得 曾記得碧眼胡僧布袍滄海直
下釣絲千尺掣取鯨魚風雷變化不是等閑
奇特寒暑相催乾坤不用歷劫不為陳迹可
憐生忘却高年長伴小兒戲劇

其七

憶昔坡仙夜遊赤壁孤鶴掠舟西過英雄消
盡身世茫然月小水寒星大何似漁翁不知
今古醉傍蓼花螢火夢相逢羽服翩躚未必
此時非我 誰解道歲晚江空風帆月力橫
樂賦詩江左清露衣裳晚風洲渚多少短歌
長些玉宇高寒故人何處渺渺予懷無那嘆
乘桴浮海飄然從者未知誰可

其八

歸去來兮昨非今是惆悵獨愁異語迷途未

遠晨景熹微乃命導夫先路風颺輕舟候門
童稚此日載膳衛宇酒盈樽三徑雖荒松菊
宛然如故 聊寄傲與世相違舊友都忘更
復駕言焉取琴書情話尋經丘倦鳥岫雲
容與農人告我西疇孤棹賦詩春雨但
樂夫天命何疑委化任渠留去

其九

十載燕山十年江上慣見半生風雪對雪無
舟泛舟無雪不遇並時高潔斷岸殘沙今茲
何夕一似剡溪歸越但披篷數尺梅花人迹
鳥飛俱絕 君不見五老危顛浮丘絕頂笑
我早生華髮返老還童易壽為妙空有九還
丹訣壽景常空天光眩海一體了無分別便
堪稱六乙仙公千古太虛明月

其十

六十歸來今過七十感謝聖恩惠早眠晏
起渴飲飢食自已了無星事數卷殘書半枚
破硯聊表秀才而已道先生快寫能吟直是
去之遠矣 沒尋思挂箇青藜數隻芒屨走
去渡頭觀水逝者滔滔來之哀哀不覺日斜

風細有一漁翁暮然相喚你在看他甚的便
扶携穿起鮮魚博得一樽同醉

十一

一逕通幽畫屏橫翠行到白雲深處世外蟠
桃井邊佳橘別有種芝瑤圃檀板輕敲素琴
閑弄奉獻鳳膏麟脯舞翩翩鬢髮飄蕭仍似
舊時仙侶 君看取華屋神仙滿堂金玉此
是糖姑朝暮五色蓬萊九秋鵬鷺別有出身
之路酒熟麻姑雲生巫峽稽首洞天歸去任
海波清淺無時何處綠窓雲戶

十二

雲淡風輕傍花隨柳將謂少年行樂高閣林
間小車城裏千古太平西洛瞻彼泱泱言思
君子流水儼然如昨但清遊天際輕陰未辨
暮愁離索 長記得童冠相隨吟咏驚飛魚
躍逝者如斯吾衰甚矣調理自存斟酌清廟
朱絲舊堂金石隱几似聞更作農人告我有
事西疇窈窕掛書牛角

滿江紅

馮尊師

寒暑相催俄然又秋傳信舊往事幾番成敗

百年如瞬軒冕未酬黃卷志琴書早賦青山
隱占五湖煙月樂希夷無盈損 人間事多
愁恨方外趣別風韻這瀛洲寧羨玉堂金印
徇物情懷兒女操摩天頭角神仙分看碧霄
歸去彩鳳迎白雲引

其二

雨過東郊溪痕淺山堂春曉堪愛處桃花流
水閉雲幽鳥物表群分紅日天涯一點青山
小向綠陰竹影捲柴扉終焉了 清閑處誰
知道方外客人間少且襟風杯月醉眠芳草
大志含容天地考真情卓立希夷香謾將消
息寄林泉煙霞老

其三

今古高情都綠在林泉江曲知此身如幻寧
羨錦衣華屋雅志偏憐雕浦月達人豈羨金
山玉喜滿庭花影日篩金苔斑綠 終焉計
東籬菊虛心杖南軒竹枕琴書高卧坦然無
辱萬古興亡春夢覺一溪雲水平生足看武
陵三秀噴幽香芝田熟

其四

東里先生家何在山陰溪曲對一川平野掩
映數間茅屋昨夜江頭新雨過門前流水清
如玉傍小橋環合柳參天搖新綠 疎籬畔
叢叢菊虛簷外蕭蕭竹嘆古今得失是非榮
辱須信人生歸去也世間萬事何時足問此
春新釀酒何如今朝熟

其五

一片閑心明洞達天心無曲身未能輕舉權
作道家梁屋壺內時看春日月世間不羨堆
金玉任自虛幻轉光陰披紅綠 丹砂井黃
金菊靈芝草琅玕竹對無情瀟酒有何榮辱
大夢百年方外去平生萬事心頭足向人間
三度見河清蟠桃熟

其六

一片閑心髑髏子無窮生滅被化機搬弄馳
騁許多顛覆敗骨如山成底事迷情似海難
超越痛巨初靈物又被沉埋塵沙劫 求出
離須猛烈尋知友談冰雪下工夫磨煉靈光
明徹風定波澄潭底見雲開冷浸天心月問
啞人滄蜜味如何無言說

其七

雲陽子

豎起空拳休着相秤鉗是鐵敢承當時要丈
夫剛烈古佛拈花微笑笑今時幾箇齊腰雪
嘆杜鵑啼得血流枝誰知切 啞人夢難分
別耳聾漢偏解說有孤峯頂上木人饒舌鳥
噪猿啼談不二松風澗水真玄泄這機關打
破看寒空家象月

其八

元本當初無一物萬緣濛濛真同流學道誰
肯死前除削兩掌三拳空熱開揚眉瞬目千
般作看眼光落地見賢家擡手脚 絕妄念
忘人我名利斷是非超伴烟霞深處坦然行
樂境滅心忘無生器斷雲來往寥天廓顯一
輪孤月射寒潭實無錯

其九

莫月鼎

法在先天玄妙處無言可說其要在守乎中
正靈臺瑩徹太極神居黃谷內先天炁在玄
關宛寂然不動感而通焉剛烈 運風雷祈
雨雪役鬼神驅妖孽只此是非咒非符非罡
訣寂定神歸元谷府功成行滿仙班列翫太

虛穩穩駕祥雲朝金闕

其十

買得青山便收草鞋藜杖更不過建章宮下
灞陵橋上天地蝸牛戀觸待功名蟻穴槐安
相近新來白髮幾多長三千丈 從今脫紅
塵網青石枕松風響有高山四皓閑來往大
棗便宜秋露滴交梨正要春溫養算古來誰
似我道還陶元亮

春

丘長春

山中好最好是春時紅白野花千種樣間關
幽鳥百般啼空翠瀉人衣 茶自採筍蕨更
同薇百結布衫忘世慮幾壺村酒適天機一
醉任東西

夏

山中好長夏正相宜脩竹萬竿金鎖碎飛流
千尺玉簾垂何處有炎曦 松影下散誕更
無拘沉李浮瓜供枕簟蒼松白石伴琴碁一
醉任風吹

秋

山中好秋景不淒涼白酒黃雞新稻熟紫栗

金菊有清香橘綠滿林霜 涼月白松檜鬱
蒼蒼但見村翁歌賀社不聞丁壯在門傍一
醉又何妨

冬

山中好末後稱三冬紙帳蒲團香淡碧竹爐
茶竈火深紅交袖坐和沖 人如夢百歲等
閑中梅蕊綻時泉脉動雪花飛處鴈書空一
醉待春風

月上海棠

劉鐵冠

○全真辦下無空過布袍麻條腰袋掛剪髮
頭道遠自在行踏單瓢把每日沿門乞化
低頭稽首繞道罷又撞着箇魔頭來說話問
道先生元是甚麼人家隨緣答俺師父立劉
譚馬

其二

昨夜因打北邙山過見箇骷髏兒道邊卧雨
洒風吹骷髏被孩童打破知他是李四張三
王大 低頭無語思量我大限來時怎趨解
家有千金難免這場灾禍休爭我到底一家
一箇

其三

吾言勸了千千萬無一箇回頭猛烈漢教上
千般猶道火院牽纏絆沒計算一限又推一
限 憂兒憂女沒衣飯指望百年永作伴閻
王來追鬼使上門喚拖將去也不道家緣不
辨

山亭柳

世事堪憂光景難留春去又逢秋四季催人
老百年似蝶夢莊周劫破從前似假着甚攬
閑愁 慷慨幸遇希夷教塵情事一筆都勾
下志速勤修有等愚癡輩馬丹陽喚不回頭
打的無緣業鬼有分做骷髏

鳴鶴餘音卷之二

鳴鶴餘音卷之三

陸三

仙遊山道士彭致中集
滿庭芳 王重陽

汝奉全真繼分五祖畧將宗派稱揚老君金
口親付與西王聖母賜東華教主東華降鐘
籙承當傳玄理富春劉相呂祖悟黃龍 登
仙弘指願行緣甘水復度重陽過山東遊歷
直至東洋見七朵金蓮出水立劉譚馬郝孫
王吾門弟天元慶會萬壽王蓮芳

其二

馬丹陽

吾劍非凡玉皇宣賜非吾誰敢承當青蛇三
尺時復起祥光則起乾坤骨髓劈開太一真
陽何人鑄那溪飲冷金水配柔剛 不知何
處用除邪斬怪寧靜諸方幹開萬象盡化玄
霜惟有修行不謹輕輕指魂飛揚匣中響
雷聲震動萬里鬼神藏

其三

搭手尋思百年如夢算來何不清閑道速快
樂且樂一身安日月韶光似箭不覺人老花
殘思今古從前勇猛盡葬在北邙山 不如